



▼ Menu

[HOME](#)[OGLASI](#)[KONKURSI](#)[JAVNE NABAVKE](#)[ZAVRŠENE JAVNE NABAVKE](#)[VIJESTI 122 I SAOPĆENJA](#)[AKTUELNO](#)[GRADANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva bilten

| Maj 2024 |    |    |    |    |    |    |
|----------|----|----|----|----|----|----|
| Po       | Ut | Sr | Ce | Pe | Su | Ne |
| 29       | 30 | 1  | 2  | 3  | 4  | 5  |
| 6        | 7  | 8  | 9  | 10 | 11 | 12 |
| 13       | 14 | 15 | 16 | 17 | 18 | 19 |
| 20       | 21 | 22 | 23 | 24 | 25 | 26 |
| 27       | 28 | 29 | 30 | 31 | 1  | 2  |

Pregled vijesti 122



▼ Bilten za 05.05.2024. godine

Objavljeno ponedjeljak, 06 Maj 2024 09:07

Klikova: 145

JAVNI RED I MIR

Na području Zeničko-dobojskog kantona javni red i mir je narušen u četrnaest slučajeva.

U navedenim događajima intervenisali su policijski službenici i protiv počinitaca preduzeli zakonom predviđene mjere i radnje.

KRIMINALITET

Zenica

U periodu od 03.05. do 05.05.2024. godine, u ulici Bulevar Kulina Bana, od strane nepoznatog lica izvršeno je krivično djelo "Teška krađa" u putničko motorno vozilo, marke "Renault" vlasništvo H.M. iz Zenice. Tom prilikom iz vozila su otuđene jedne naočale, tri majice i određeni iznos novca u metalnim kovanicama. Navedeni događaj je zadokumentovan od strane policijskih službenika Policijske stanice Centar, a daljnji rad na otkrivanju počinioca ovog krivičnog djela nastavljaju policijski službenici Odsjeka kriminalističke policije Policijske uprave I.

U toku noći 04./05.05.2024. godine, u ulici Abdulaziza Aska Borića, od strane nepoznatog lica izvršeno je krivično djelo "Teška krađa" u putničko motorno vozilo marke "VW Touran", vlasništvo M.V. iz Viteza. Tom prilikom iz vozila je otuđen jedan prsluk, određeni iznos novca, potvrda o registraciji vozila i putna isprava na ime oštećenog. Navedeni događaj je zadokumentovan od strane policijskih službenika Policijske stanice Centar, a daljnji rad na otkrivanju počinioca ovog krivičnog djela nastavljaju policijski službenici Odsjeka kriminalističke policije Policijske uprave I.

Dana 05.05.2024. godine, u 15,30 sati, u ulici Bulavar Kralja Tvrtka I, od strane lica, B.R., rođen 2006. godine i K.N., rođen 2006. godine oba iz Zenice, izvršeno je krivično djelo "Posjedovanje i omogućavanje uživanja opojnih droga". Prilikom legitimisanja i pregleda od strane policijskih službenika Policijske stanice Centar kod navedenih lica pronađen je jedan upakovan sadržaj biljne materije koja svojim izgledom asocira na opojnu drogu marihuanu i tri upakovana sadržaja praškaste materije koja svojim izgledom asocira na opojnu drogu speed. Pronađena materija je oduzeta, a navedena lica su lišena slobode i zadržana u prostorijama za zadržavanje, nakon čega je nad istim zavedena kriminalistička obrada.

Visoko

Dana 04.05.2024. godine, u 22,10 sati, u mjestu Donje Moštre u objektu benzinske pumpe "DOKSO", od strane nepoznatog lica izvršeno je krivično djelo "Krivotvorenje novca". Tom prilikom nepoznato lice je kupovinu određenih artikala platilo novčanicom od 100 eura, koja svojim izgledom asocira na falsifikovanu novčanicu, nakon čega se udaljilo u nepoznatom pravcu. Navedena prijava je evidentirana, a daljnji rad na dokumentovanju prijavljenog krivičnog djela nastavili su istražitelji Policijske stanice Visoko, uz upoznavanje dežurnog tužioca.

Dana 05.05.2024. godine, u 12,20 sati, u mjestu Orašac, od strane lica S.O., rođen 1970. godine iz Visokog izvršeno je krivično djelo "Ugrožavanje sigurnosti" prema P.E. i P. D., rođen 1968. iz Visokog, na način da je iz vatrenog oružja, pištolja isti ispalio jedan metak u zrak. Odmah po prijavi navedenog događaja na lice mjesta izašli su policijski službenici Policijske stanice Visoko koji su od S.O. oduzeli vatreno oružje, te istog lišili slobode i zadržali u prostorijama za zadržavanje. Izvršen je uviđaj od strane istražitelja Policijske stanice Visoko.

Zavidovići

Dana 05.05.2024. godine, u ulici Maršala Tita, od strane nepoznatog lica izvršeno je krivično djelo "Teška krađa" u ugostiteljski objekat "Scena" vlasništvo H.K. iz Zavidovića. Tom prilikom iz objekta je otuđen jedan televizor LCD, snimač od videonadzora, centralna jedinica od računara, pojačalo za muziku i jedna mikseta marke Beringe. Izvršen je uviđaj od strane istražitelja Policijske stanice Zavidovići uz upoznavanje dežurnog tužioca.

Dana 05.05.2024. godine, u 09,25 sati, u prostorije Policijske stanice Zavidovići pristupio je S.Š., rođen 1964. godine iz Zavidovića i prijavio da su dana 04.05.2024. godine, dva nepoznata lica u marketu "Suljić" u ulici Zlatnih ljiljana vlasništvo istog kupili dva X bona u vrijednosti od po 50,00 KM za dvije novčanice od po 100 eura, za koje isti sumnja da se radi o falsifikovanim novčanicama. Navedene novčanice su oduzete i bit će predmet vještačenja, a daljnji rad na dokumentovanju navedenog događaja nastavili su istražitelji Policijske stanice Zavidovići uz upoznavanje dežurnog tužioca.

Tešanj

Dana 05.05.2024. godine, u mjestu Piljužići, od strane lica M.M., rođen 1986. godine iz Tešnja, izvršeno je krivično djelo "Neovlaštena proizvodnja i stavljanje u promet opojnih droga". Policijski službenici Policijske stanice Tešanj postupajući po naredbi Općinskog suda u Tešnju izvršili su pretres porodične kuće i drugih objekata kao i vozila koje koristi gore pomenuto lice. Prilikom pretresa pronađeno je i oduzeto više upakovanih sadržaja biljne materije koja svojim izgledom asocira na opojnu drogu marihuana, više upakovanih sadržaja praškaste materije koja svojim izgledom asocira na opojnu drogu speed i jedna drobilica. Lice lišeno slobode i zadržano u prostorijama za zadržavanje, gdje je nad istim zavedena kriminalistička obrada, nakon čega će biti predat u Kazneno popravni zavod zatvorenog tipa Zenica, jer je imao izrečenu mjeru elektronskog nadzora koju je prekršio.

BEZBJEDNOST SAOBRAĆAJA

Dana 05.05.2024. godine, u 12,05 sati, na magistralnom putu M-17 u mjestu Brezovo Polje, općina Žepče, dogodila se saobraćajna nezgoda u kojoj su učestvovali putničko motorno vozilo, marke "Renault", kojim je upravljao I.K., rođen 1989. godine iz Hrvatske i putničko motorno vozilo, marke "Jeep" kojim je upravljao M.P.J., rođen 1988. godine iz Poljske. Tom prilikom lakše tjelesne povrede zadobili su vozač putničkog motornog vozila "Jeep", suvozač E.M., rođena 1988. godine i dijete, rođeno 2011. godine, dok je teške tjelesne povrede zadobilo dijete rođeno 2021. godine, svi državljani Poljske, a koje su konstatovane u Kantonalnoj bolnici Zenica. Izvršen je uviđaj od strane policijskih službenika Policijske stanice Žepče uz upoznavanje dežurnog tužioca.

Na području Zeničko-dobojskog kantona dogodile su se još dvije saobraćajne nezgode u kojima nije bilo povrijeđenih lica, dok je na vozilima pričinjena materijalna šteta.